

無量壽如來大願持誦法

能海法師集成

# 目錄

出版者按：無量壽如來大願持誦法之原稿僅具二～八項，但缺一，故暫依內容

補加內文第一頁第三行：「一、歸依 發心」。尚請先進教正之。

## 無量壽如來大願持誦法

一、歸依 發心	一
二、絕五惡 去五痛 滅五燒 持五善	四
三、往生三輩之修法及成就	一
四、迎請	二
五、供曼茶	一
六、讚願	五
七、持念修觀	一
八、圓滿迴向	一
菩提道次第加持總頌	一
無量壽如來觀空持咒法	一
極樂發願文	一

此大願持誦法者。純依諸譯無量壽經意義。略加迎供等法集成。為樂修行彌陀法門之人。而作第一念修資糧。念修獲益之後。別有蓮花部彌陀供養。成就往生。眾觀行法。擬續翻集。以供於世。

比丘能海識

# 無量壽如來大願持誦法

能海法師 集成

## 一、歸依 發心

歸依

我及無邊父母有情從今時起直至菩提中間

永永歸依於大德正士文殊師利金剛本師

永歸依於大覺世尊

永歸依於一切正法

永歸依於賢聖僧眾誦三次

諸佛正法賢聖三寶尊 從今直至菩提永歸依  
以我所修善等諸資糧 為利有情故願大覺成誦三次

發心

一切父母轉變有情之安樂及安樂因願悉具足  
無者一一欲求有 有一少一難適意  
有此缺彼復思得 或嫌劣少非稱心  
求索苦思不能得 身心勤勞日夜俱  
焦急嗔心常恚怒 結取寒熱痛苦逼  
求不得苦了生命 不知作善離世趣

今生恨意微憎嫉 後世轉劇成大怨  
積忿含毒思殺害 自然剋識不相離  
怨對相生相報復 平空演出大苦劇  
獨來獨去死復生 身自當苦無代者  
善惡業果如影俱 宿值嚴待難能移  
愚痴愛欲不解道 貪惑顛倒正知蔽  
結恩纏愛塞聰明 敗德亡身速壞命  
父哭其子子哭父 兄弟夫婦互更泣  
男女大小皆匆忙 終身勤勞受甘辛  
不識三寶不解諦 流轉諸道無出時

二、絕五惡 去五痛 滅五燒 持五善

(一) 欺殺惡行

絕五惡

去五痛

滅五燒

持五善

諸天人民

若貴若賤

下及禽獸

蠕動蜎飛

潛游空處

如是倫類

多皆惡心

強者伏弱

轉相剋制

互作殺傷

更相食噉

惡業積累

不知為善

諸逆不道

自受殃罰

因果法爾

流轉趣入

神明記識

轉相承繼

下賤貧窮

尊貴豪富

愚痴弊惡

明達智勇

升沉上下

展轉漂流

種種痛燒

無時或已

(二) 貪妄惡行

絕五惡

去五痛

滅五燒

持五善

世間帝王 官吏人民 不從政教 違背義理  
淫奢驕慢 各欲快意 恣心自在 更相欺調  
言念無實 心口各異 為人不忠 諛媚趨時  
更相憎嫉 彼此讒諂 互作坑阱 各各謗厭  
在上不明 在下行奸 上下相欺 父子作偽  
各懷貪淫 夫婦欺假 男女老幼 多少如是  
妄作非法 常懷盜心 欲他財物 以自供給  
消散速無 設計數取 求謀無厭 損他不計

欲厚己利	破他家室	不顧前後	鄉黨親里
愚痴惡人	轉共同事	謀財鬥諍	互相利害
久復相嫌	彼此仇怨	轉相謀害	設計萬端
慳貪執藏	田宅重寶	至親極貧	不捨施與
專志護惜	身勞心蔽	無常到頭	終不可保
獨去獨來	莫誰與共	常獨恐懼	畏人知曉
善惡禍福	苦樂自受	因果法爾	惡必受苦
若不明因	果時生懼	官吏牢獄	自然趣向
業力相續	他生貧窮	財不自在	受他欺逼
乃至泥犁	禽獸還報	世世累劫	展轉痛燒

(三) 淫業惡行 絶五惡 去五痛 滅五燒 持五善

世間有情 寄生相因 轉變不絕 欲愛是本  
但觀人類 賢明豪貴 愚頑庸俗 上中下等  
習氣因緣 多生淫毒 身心不正 常念姪行  
愛欲交錯 煩憊胸中 眇瞓細色 惡態淫泆  
有婦厭憎 私妄出入 持家所有 相結為惡  
聚會飲食 日夜不停 欲遂姪行 作賊興兵  
格鬥攻伐 劫奪殺人 強逼不道 兼取財物  
偷竊加行 不暇治生 家室中外 患而苦之

(四)

口惡虛妄

絕五惡 去五痛 滅五煥 持五善

智者憎嫌

官法以隨

災橫牢獄

身患尪羸

死入泥犁

展轉禽獸

累劫身生

相續燒痛

世間惡流

不能作善

自作敗害

轉相教他

共作罪惡

兩舌惡口

罵詈妄言

嫉妒鬥亂

謗毀善人

敗壞賢者

不作孝順

供養父母

輕易師尊

賢善知識

不信善語

誠實忠言

自作尊貴

橫行威勢

不信三寶

因果業報

不畏鬼神

世人恥笑

不可教導

使其向善

自用偃蹇

謂為自然

無憂哀心

慈悲

不懷恐懼

恣意惰慢

不可理伏

賴前宿福

小善扶接

營護助之

不令急墮

今世惡行

福德盡盡

諸善鬼神

悉遠離身

無所依賴

當受殃謫

身亡命終

惡業追逐

日中逃影

不可避匿

火鑊耕犁

神形極苦

因果相循

不得蹉跌

相續受報

禽獸展轉

縱得人身

困苦愚頑

諸痛諸燒

無智悔懺

業果成熟

悔亦何晚

(五)邪見放逸諸惡

絕五惡 去五痛 滅五燒 持五善

世人懈惰	作善遲疑	不顧治生	父母妻子
訓教子女	子女返責	違戾忤逆	劇若野人
怨家仇對	或作偽伏	妄欺假貸	有去無返
莫報償心	謂為理當	窮乏困苦	艱辛勞慮
身作倡優	不恥之流	盜賊刑科	險難眾事
不計好惡	競取財食	不自賑給	盡遺其子
其子受用	不作返報	放縱遊散	不畏防禁
食飲無極	嗜酒貪味	出入無期	魯扈抵突
見人有喜	憎嫉姤罵	自用為當	不識禮義
不可諫曉	不知人情	父母恩德	不知不報

不念師恩	智識之母	業務之基	涉世良導
不思報德	常念其惡	見其惡行	毀謗輕視
不信聖哲	先賢正士	不信作善	解脫諸道
不信世間	有佛世尊	欲殺羅漢	鬥比丘僧
常欲殺人	乃至父母	妻子宗親	憎惡朋輩
不信佛語	命盡復生	作善得樂	作惡受苦
違戾返逆	愚痴闇昧	嗔怒嗜欲	自用為是
不識般若	生從何來	死後何去	浩浩茫茫
惡心遍布	宇宙充塞	常求僥倖	人中第一
欲得長生	不計他死	勤身作惡	踴躍殺己

大命將至  臨窮何益  五道分明  轉相承繼  
罪報痛苦  自身當知  從冥入冥  誰能知之  
獨佛窮了  教語吾人  悲哉我等  信用者希  
生死不休  惡道不絕  五痛五燒  展轉無極

以上依無量壽  清淨平等覺經集出

諦觀五惡五痛五燒苦  各各眾生父母親身受  
我身陷入燒痛亦如是  惟願如來大慈作歸救

三、往生三輩之修法及成就

奇哉希有。甚難罕遇。本師釋迦如來。於此世間。開示彌陀大願法門。謂。

欲往生無量壽佛國者。有其三輩。何等為三。

其最上第一輩者。當去家室捨離妻子。斷除愛欲。行作沙門。就無為道。解脫為首。更發無上菩提勝心。修行菩薩種種波羅密行。清淨持戒。勇猛莊嚴。願欲往生無量壽國。其人便於現身求道之時。睡夢之中。禪觀之際。見阿彌陀佛。及諸菩薩大阿羅漢。命終之後。阿彌陀佛及諸聖眾。悉共來迎。往生極樂。永無燒痛。親見彌陀。開大覺慧。成就眾願。是為第一。

其中輩者。雖不出家。捨離妻子。作沙門行。要當持戒。究誦經典。於諸戒法。無得虧損。益作分檀供施。深心信受佛語。至誠忠信。飲食沙門。建造佛塔。燒香散花。燃燈奉食。音樂傘蓋。妙衣百物。常不缺供。無所貪適。伏

滅瞋怒。齋戒清心。慈心精進。而除欲愛。如是願欲。往生無量壽佛國者。其人亦於今世修行。睡夢時中。得見彌陀。臨命終時。則見化身阿彌陀佛。淨土莊嚴。往生其中。開慧覺了。成就眾願。是為第二。

其三輩者。若人欲生無量壽佛清淨國土。雖未能作分檀布施。乃至燒香散花。燃燈獻食。懸繒結綵。起塔造寺。飲食沙門。亦當斷除愛欲。無所貪慕。慈心精進。不當嗔怒。齋戒清潔。一心念欲往生清淨佛國。亦於此生之中。可復尊極智慧勇猛。臨命終時。阿彌陀佛。令於睡臥夢中。自見極樂淨土。使生無量歡喜去疑悔過。死後決定往生。依平等覺經錄出

如來不虛妄 五語在在實

往生已眾多 我應歡喜信

四、迎請

總觀三毒 五惡燒痛 無始至今纏結緊  
偶爾得此 人身見佛 聞法修行最極難  
剎那壞滅 眾苦惡流 究竟無常大鬼吞  
歸途矇昧 橫生餓鬼 地獄險處作驅馳  
我今幸值 善友牽挽 夜孤窮遇明燈  
歸向三寶 聞法了知 究竟善惡光顯趣  
奇哉甚奇 難之又難 無比導師釋迦父  
引我即身 見佛成就 四十八願勝法門

諸佛加持力 心不思議力 法界緣起力

諸法無自性 於無生滅中 顯現幻化輪  
寶刹妙莊嚴 清淨圓滿相 普現我目前

我心大歡喜

或加念小經

弟子某某。為欲滅除三毒五惡。速證三身。成就阿彌陀佛勝願功德。以為度脫現生爹娘。累世怨親。宿生父母。六道有情。成就勝上資糧之故。專誠奉請西方極樂淨土之中。

無量光明。無量壽命。慈悲勝願。無比無倫。接引導師。阿彌陀佛。并諸無邊聖眷。

釋迦本師。文殊普賢。觀音勢至。威德輪圍。諸大菩薩。護法天龍。一切聖

眾諸大聲聞。惟願大悲自在。憐愍於我。及諸眾生。普降法筵。應供加持。  
圓滿我願。

從我廣大無垢善心中 捎字紅色妙光作鉤形  
大願導師彌陀清淨土 慈悲願王及諸聖賢眾  
根本上師本尊三寶尊 明妃護法普願降來臨  
諸法自性本無從去來 種種調伏隨其眾類心  
悲智任何事業使能成 大願導師聖眾我奉請  
嚩古婆布達。布底薩埵。達磨巴那。薩巴惹瓦囉。而耶黑。 雜吽榜火  
諸智慧尊與三昧耶尊溶入成為二無分別也。若不能念此咒者亦可不念

## 五、供曼茶

。嗡。曼茶補米。阿吽。金剛大地自在基。嗡。曼茶惹客。阿吽。外鐵圍。諸山圍繞。其中妙高須彌山王。東聖身洲。南瞻部洲。西牛賀洲。北俱盧洲。小身洲及聖身洲。小拂洲及妙拂洲。小行洲及勝道行洲。聲不美及身不美月洲。眾寶山如意樹隨欲寶牛自然香稻。金輪寶摩尼寶玉女寶大臣寶白象寶駿馬寶將軍寶大藏寶瓶歡喜女環串女歌舞女花女香女燈明女塗香女日月珍寶傘至極尊貴超勝之表幢於中諸天及人所有富樂圓滿具備供獻於大恩根本承傳具德正士無上諸師總集三時歸依自性承恩根本上師善說無畏能仁法自在主持金剛尊及

無比釋迦能仁俱有聖眷。無量光明。無量壽命。接引導師阿彌陀世尊。及其輪圍聖眾護法空行諸天眷屬等。如是供養。為利有情。懇祈納受。受已。伏乞攝取我等眾生。於大悲心門中。分外加持也。如是願。

遍地香塗鮮妙雜花敷 須彌四洲日月頂莊嚴

以此所緣諸佛佛土獻 願諸眾生享受清淨佛刹境

四洲日月七寶須彌峰 大寶曼茶普賢供雲供

慧觀攝獻本尊三寶前 慈悲納受經已老督所

咒 意當谷入鬲那曼荼勒更勒雅達雅麥。

## 六、讚願

如來微妙色莊嚴 一切世間無有等  
光明無量照十方 日月火珠皆曠曜  
願我得佛清淨聲 法音普及無邊界  
宣揚戒定精進門 通達甚深微妙法  
智慧廣大深如海 內心清淨絕塵勞  
超過無邊惡趣門 速到菩提究竟岸  
亦如過去無量佛 威光普照眾生界  
為彼羣生大導師 度脫老死令安隱  
常行布施及戒忍 精進定慧六波羅  
未度有情令得度 已度之者使成佛

我以一切伸供養 百千俱胝那由他  
恆河沙數佛世尊 令我成就寂滅果  
復有十方諸佛刹 恒放光明照一切  
殊勝莊嚴無等倫 願我成就利羣品  
所有無邊世界中 輪迴諸趣眾生類  
速生我刹受快樂 不久俱成無上道  
願我精進恆決定 常運慈心拔有情  
度進阿鼻苦眾生 所發弘誓永不斷

時法藏比丘攝取二百一十億諸佛妙土清淨之行。如是修已詣彼佛所。稽首禮足。遶佛三匝。合掌而住。白佛言。世尊。我已攝取莊嚴佛土清

淨之行。佛告比丘。汝今可說。宜知是時。發起悅可。一切大眾。菩薩聞已。修行此法。緣致滿足。無量大願。比丘白佛。唯垂聽察。如我所願。當具說之。

發願

第一願。設我得佛。國有地獄餓鬼畜生者。不取正覺。

第二願。設我得佛。國中天人壽終之後。復更三惡道者。不取正覺。

第三願。設我得佛。國中天人不悉真金色者。不取正覺。

第四願。設我得佛。國中天人形色不同。有好醜者。不取正覺。

第五願。設我得佛。國中天人不識宿命。下至知百千億那由他諸劫事者。不取正覺。

第六願。設我得佛國中天人不得天眼下至見百千億那由他諸佛國者。不取正覺。

第七願。設我得佛國中天人不得天耳下至聞百千億那由他諸佛所說。不悉受持者。不取正覺。

第八願。設我得佛國中天人不得見他心智下至知百千億那由他諸佛國中眾生心念者。不取正覺。

第九願。設我得佛國中天人不得神足於一念頃下至不能超過百千億那由他諸佛國者。不取正覺。

第十願。設我得佛國中天人若起想念貪計一身者。不取正覺。

第十一願。設我得佛國中天人不住定聚必滅度者。不取正覺。

第十二願。設我得佛。光明有限量。下至不照百千億那由他諸佛者。不取正覺。

第十三願。設我得佛。壽命有限量。下至百千億那由他劫者。不取正覺。  
第十四願。設我得佛。國中聲聞有能計量。乃至三千大千世界眾生悉成緣覺。於百千劫悉共計較。知其數者。不取正覺。

第十五願。設我得佛。國中天人壽命無能限量。除其本願修短自在。若不爾者。不成正覺。

第十六願。設我得佛。國中天人乃至聞有不善名者。不取正覺。

第十七願。設我得佛。十方世界無量諸佛。不悉咨嗟稱我名者。不取正覺。

第十八願。設我得佛。十方眾生至心信樂。欲生我國。乃至十念。若不生者。不取正覺。唯除五逆誹謗正法。

第十九願。設我得佛。十方眾生發菩提心。修諸功德。至心發願。欲生我國。臨壽終時。假令不與眾圍繞。現其人前者。不取正覺。

第二十願。設我得佛。十方眾生聞我名號。繫念我國。植眾德本。至心迴向。欲生我國。不果遂者。不取正覺。

第二十一願。設我得佛。國中天人。不悉成滿三十二大人相者。不取正覺。

第二十二願。設我得佛。他方佛土諸菩薩眾來生我國。究竟必至一生補處。除其本願自在所化。為眾生故。被弘誓鎧。積累德本。度脫一切。

遊諸佛國修菩薩行供養十方諸佛如來開化恆沙無量眾生使立無上正真之道超出常倫諸地之行現前修習普賢之德若不爾者不取正覺。

第二十三願設我得佛國中菩薩承佛神力供養諸佛一食之頃不能遍至無數無量億那由他諸佛國者不取正覺。

第二十四願設我得佛國中菩薩在諸佛前現其德本諸所求欲供養之具若不如意者不取正覺。

第二十五願設我得佛國中菩薩不能演說一切智者不取正覺。

第二十六願設我得佛國中菩薩不得金剛那羅延身者不取正覺。

第二十七願設我得佛國中天人一切萬物嚴淨光麗形色殊特窮微

極妙無能稱量。其諸眾生乃至逮得天眼。有能名了辨其名數者。不取正覺。

第二十八願。設我得佛國中菩薩乃至少功德者。不能知其道場樹無量光色。高四百萬里者。不取正覺。

第二十九願。設我得佛國中菩薩若受讀經法。諷誦持說而不得辨才智慧者。不取正覺。

第三十願。設我得佛國中菩薩智慧辨才。若可限量者。不取正覺。

第三十一願。設我得佛國土清淨。皆悉照見十方一切無量無數不可思議諸佛世界。猶如明鏡。睹其面像。若不爾者。不取正覺。

第三十二願。設我得佛。自地以上。至於虛空宮殿樓觀池流華樹國土。

所有一切萬物。皆以無量雜寶百千種香而共合成。嚴飾奇妙。超諸天人。其香普熏十方世界。菩薩聞者。皆修佛行。若不如是。不取正覺。

第三十三願。設我得佛。十方無量不可思議諸佛世界眾生之類。蒙我光明觸其身者。身心柔軟。超過天人。若不爾者。不取正覺。

第三十四願。設我得佛。十方無量不可思議諸佛世界眾生之類。聞我名字。不得菩薩無生法忍。諸深總持者。不取正覺。

第三十五願。設我得佛。十方無量不可思議諸佛世界。其有女人聞我名字。歡喜信樂。發菩提心。厭惡女身。壽終之後。復為女像者。不取正覺。

第三十六願。設我得佛。十方無量不可思議諸佛世界。諸菩薩眾。聞我

名字壽終之後常修梵行至成佛道。若不爾者。不取正覺。

第三十七願。設我得佛。十方無量不可思議諸佛世界。諸天人民聞我名字。五體投地。稽首作禮。歡喜信樂。修菩薩行。諸天世人莫不致敬。若不爾者。不取正覺。

第三十八願。設我得佛。國中天人欲得衣服。隨念即至。如佛所讚應法妙服。自然在身。有求裁縫擣染浣濯者。不取正覺。

第三十九願。設我得佛。國中天人所受快樂。不如漏盡比丘者。不取正覺。

第四十願。設我得佛。國中菩薩隨意欲見。十方無量嚴淨佛土。應時如願。於寶樹中悉皆照見。猶如明鏡。睹見面像。若不爾者。不取正覺。

第四十一願。設我得佛。他方國土諸菩薩眾。聞我名字。至於得佛。諸根缺漏。不具足者。不取正覺。

第四十二願。設我得佛。他方國土諸菩薩眾。聞我名字。皆悉逮得清淨解脫三昧。住是三昧。一發意頃。供養無量不可思議諸佛世尊。而不失定意。若不爾者。不取正覺。

第四十三願。設我得佛。他方國土諸菩薩眾。聞我名字。壽終之後。生尊貴家。若不爾者。不取正覺。

第四十四願。設我得佛。他方國土諸菩薩眾。聞我名字。歡喜踴躍。修菩薩行。具足德本。若不爾者。不取正覺。

第四十五願。設我得佛。他方國土諸菩薩眾。聞我名字。皆悉逮得普等

三昧。住是三昧。至於成佛。常見無量不可思議。一切諸佛。若不爾者。  
不取正覺。

第四十六願。設我得佛國中菩薩。隨其志願。所欲聞法。自然得聞。若不  
爾者。不取正覺。

第四十七願。設我得佛。他方國土。諸菩薩眾。聞我名字。不即得至。不退  
轉者。不取正覺。

第四十八願。設我得佛。他方國土。諸菩薩眾。聞我名字。不即得至。第一  
忍。第二第三法忍。於諸佛法。不能即得。不退轉者。不取正覺。

依彭際清重校康譯無量壽經

後頌  
我今對佛前。而發誠實願。護佛十方身。

威德無等等 復為大國王 富豪而自在  
廣以諸財寶 普施於貧苦 令彼諸羣生  
長夜無憂惱 出生眾善根 成就菩提果  
我若成正覺 立名無量壽 眾生聞此號  
俱來我刹中 如佛金色身 妙相悉圓滿  
亦以大悲心 利益諸羣品 願我智慧光  
廣照十方刹 除滅諸有情 貪瞋煩惱闇  
地獄鬼畜生 懈捨三塗苦 亦生我刹中  
修習清淨行 獲彼光明身 如佛普照曜  
日月珠寶光 其明不可比 願我未來世

常作天人師

百億世界中

而作獅子吼

如彼過去佛

所行慈愍行

廣無量無邊

俱胝諸有情

圓滿昔所願

一切皆成佛

發是大願時

三千大千界

震動變十方

天人空界中

散雨一切花

栴檀及沉水

稱讚大苾芻

願力甚希有

決定當作佛

廣利眾生界

依無量壽莊嚴經

七、持念修觀

別有無量壽如來持咒  
法能受學合修者更善

此時自觀其身成無量壽佛。相好光明。光遍十方。十方眾生蒙光皆成。

佛身然後持咒念佛作觀竟。迴向

八、圓滿迴向

我今稱念彌陀萬德名 祕密伽陀無邊功能勝  
一念觀佛自性彌陀主 四十八願如來真法身  
惟願常聞宣說正法語 隨順智慧不違律儀行  
國土資財萬物悉備有 無我所心無執無染著  
來去進止心情不罣礙 隨意自在無所不安適  
無彼無我無競無訟諍 於諸有情大悲作饒益  
柔順調伏遠離忿恨意 清淨無礙棄捨厭怠心

等心勝心深心定心備  
受法樂法喜法妙心生  
痛恆習氣煩惱猛斷去  
遠離自利凡小惡趣心  
六度資生事業不緩怠  
究竟一切菩薩廣大行  
深入禪心諸通極明慧  
肉眼清徹巨細遠近週  
法眼觀察諸道善巧知  
遊心七覺八聖道能行  
佛眼具足窮通萬法性  
天眼通達十方無限際  
觀三界空志求無上位  
慧眼了真究竟彼岸至  
智慧如海定如大須彌  
無礙智辯真俗善開明  
滅眾生苦挖彼煩惱心  
慧光日月淨白雪山聚  
大地負載淨穢好惡平  
大火燒滅感苦罪垢薪

入世汚垢不染淨妙蓮 大車運載羣氓出生死  
震大法雷覺彼諸未覺 潤大法雨潤澤枯槁民  
週顧十方無畏大雄獅 亦大牛王一切無能勝  
如金剛山魔外不動搖 等優曇花開敷甚希有  
世物無所藏積鳥行空 善法尼拘類樹廣覆映  
如大象王能善自調伏 猶金翅鳥摧碎邪外道  
宏慈大悲曠闊若虛空 種種功德不樂他知聞  
專求正法其心無厭足 為他宣說初中後歡喜  
復次更求如來及諸聖眾慈光加被開我愚蒙我今本諸如來現教所  
說娑婆一日行道勝如淨土百年未死之前不空待死銳志修行無嫉

垢心隨喜他善。建樹法幢。修六和敬。常行法施。志勇精進。心不退弱。為世明燈。殊勝福田。常為師導。等無憎愛。唯樂正道。無餘欣感。拔諸欲刺。安利羣生。功德殊勝。世間尊仰。滅三垢障。遊諸神通。因力緣力願力。方便之力。常力善力。定力慧力。多聞之力。施戒忍辱。精進禪定。智慧諸力。正念正觀。諸通明力。如法調伏眾生之力。如是等力。一切具足。身色相好。功德辯才具足。莊嚴無與等者。恭敬供養。無量諸佛。常為諸佛。共同稱歎。迅速成就阿彌陀佛四十八願。如彼如來等無有異。度脫父母有情。令盡勝願。一切無不圓滿。

依魏譯無量壽經

發大雄願 長壽無死 命終度亡  
決定往生 展轉流行 功德無比

## 菩提道次第加持總頌

此頌於每次隨修者能得速趣菩薩之資糧

能成眾德之體具恩師  
如理依止道之初步正  
善觀察已恆時奮殷勤  
作大恭敬依止求加持  
偶一獲此圓滿有暇身  
最極難得大事了知竟  
日夜恆時決擇心堅固  
生起相續不絕求加持  
身命動搖猶如水中泡  
迅急滅壞必死應思維  
死已如影隨形黑白業  
引起後果決定獲不異  
如是知己一切諸惡業  
細而又細亦復令斷離  
眾善資糧究竟能修成  
恆常具足殷勤求加持

受用無厭一切眾苦門

世間滿足深險罪業坑

堅意遠離解脫安樂永

義樂廣大生起求加持

即此清淨出離慧起引

正知正見大大不放逸

聖教根本別別解脫戒

堅持修行能作求加持

如我淪落生死固如是

一切<sub>眾生</sub><sup>父母</sup>陷溺亦如之

見已解脫諸趣擔負荷

發起菩薩勝心求加持

僅唯發心不受菩薩戒

或受不修亦難成菩提

能善觀已佛子三聚戒

起大精進受學求加持

心趨倒境動搖能作止

且於正義如理起尋思

由是引發止觀雙運道

速急相續生起求加持

共同道熟密器成就已 一切乘中最勝金剛乘  
堪能士夫契入正習修 決定穩速入道求加持  
此時二種悉地成就體 宣說清淨誓語三昧耶  
無詭誑心決定獲得已 勝於生命守護求加持  
此後密部心要二次第 凡諸津要觀行務精勤  
勝義瑜伽四次不動搖 準如師教修行求加持  
如此妙道依止善知識 如理修行善友能常依  
一切內外魔障中斷類 隨即消滅清淨求加持  
出生萬善恩師永不離 諸法資財受用悉具備  
地道一切功德圓滿已 持金剛位唯願穩速登

## 無量壽如來觀空持咒法

世間大願導師無量壽 威光伏除一切非時死  
痛苦無依作究竟歸依 大覺無量壽佛我頂禮

### 觀空咒

嗡桑巴瓦。蕩打。沙瓦打嗎。桑巴瓦。蕩埵行。

從空之中。自成世尊。無量壽如來。智慧光明。清朗普耀。無能勝身。最極圓滿。作珊瑚色。而復內外澈明。如日舒光。遍照十方世界。世出世間。平等饒益。一面二臂。作等持印。托持寶瓶。充滿甘露。而且隨欲出生種種。

如意大樂。具足無量妙寶奇珍。而為諸身莊嚴之具。金剛結跏趺座而坐。金剛三字安於三門。心間捨字咒輪旋繞。且出光曜。作二利竟。收入種字。

唵。南無叭哦瓦帝。阿叭熱彌達。阿約羅拉。所比勒子。打得左鬲雜雅。達塔哦打雅。阿鬲哈帝。薩馬耶碌布大耶。大耶塔。唵。布朗耶。布朗耶。馬哈布朗耶。阿叭熱彌達。布朗耶。阿叭熱彌達。布朗耶。羅拉桑瓦若把子達。唵。薩瓦薩嘎。鬲把熱。蕩大大馬得。哦哦拉薩母大。哦得薩把瓦必蕩大。馬哈那雅。巴熱瓦熱。薩哈。

心咒

大雅塔。嗡。阿叭熱彌達。阿約囉那。捨吽。種薩哈。

師云如能大咒誦十萬小咒一百萬并作檀施供養等福行者決增長十三年壽命如更依儀軌修行每日四次者則現生能得大願成就之殊勝資糧

誦咒後稱念宏名多少隨心若臨命終時或超荐亡者加念往生咒

### 往生咒

南無阿彌多婆夜。哆他伽多夜。哆地夜他。阿彌利都婆毘。阿彌利哆。悉  
耽婆毘。阿彌利哆。毘迦蘭帝。阿彌利哆。毘迦蘭多。伽彌膩。伽伽那枳多。  
迦隸娑婆訶。

我今以此之善根 彌陀大願速轉成

我及父母諸眾生 彌陀寶位現生證

音 嗡



音 捨



普爲出資及讀誦受持  
輾轉流通者回向偈曰

願以此功德 消除宿現業  
增長諸福慧 圓成勝善根  
所有刀兵劫 及與饑饉等  
悉皆盡滅除 人各習禮讓  
讀誦受持人 輾轉流通者  
現眷咸安樂 先亡獲超昇  
風雨常調順 人民悉康寧  
法界諸含識 同證無上道

無量壽如來大願持誦法 合刊  
極樂發願文  
船海法師 集成

出版者：福智之聲出版社  
台北市南京東路四段 137 號 12 樓  
電話：(02) 25452546  
傳真：(02) 25452547  
中華民國九十年二月恭印 1000 本（第一版第一刷）

行政院局版台業字 5601 號

免費結緣